



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

Y.B. MENTERI

Y.B. TIMBALAN MENTERI

Y.BHG. KSU

Y.BHG. TKSU (PDN)

Y.BHG. TKSU (PUP)

SETIAUSAHA AKHBAR

06 DISEMBER 2021 (ISNIN)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

06 DISEMBER 2021 (ISNIN)

Harga ayam akan turun - KPDNHEP

MELAKA: Harga maksimum ayam RM9.30 sekilogram yang ditetapkan kerajaan dikaji semula untuk diturunkan susulan kemasukan bekalan ayam sejuk beku import sebanyak 16.5 juta ekor dalam pasaran sehingga Februari tahun depan.

Ketua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Hasnol Zam Zam Ahmad berkata, harga bekalan asas itu lazimnya diturunkan apabila wujud penawaran bekalan ayam yang meningkat.

"Harga maksimum bergantung pada harga ayam import dan kita lihat kesannya kepada penawaran. Kalau ada penurunan harga, itu berita baik untuk pengguna.

"Apabila ayam import sudah masuk, penawaran menjadi berlebihan dan kita akan kaji semula harga maksimum ayam RM9.30," katanya ketika ditemui selepas meninjau Program Jualan Keluarga Malaysia (PJKM) di pekan Kuala Sungai Baru, di sini semalam.

Program dua hari bermula



HASNOL Zam Zam Ahmad (tengah) meninjau Program Jualan Keluarga Malaysia (PJKM) di pekan Kuala Sungai Baru, Alor Gajah, Melaka. - UTUSAN/DIYANATUL ATIQA ZAKARYA

kelmarin itu disertai enam agensi kerajaan dan 13 syarikat yang menawarkan pelbagai bahan makanan, termasuk ayam pada harga lebih rendah berbanding pasaran.

Kelmarin, Timbalan Menteri

Perdagangan Dalam Negeri dan Hal Ehwal Pengguna, Datuk Rosol Wahid memberitahu, kerajaan menetapkan harga maksimum ayam standard pada kadar RM9.30 sekilogram bagi jualan runcit dan RM8 untuk

pemborong di Semenanjung sehingga 31 Disember ini.

Bagaimanapun, katanya, harga ayam standard di Langkawi ditetapkan pada harga RM9.80 sekilogram (runcit) dan RM8.50 sekilogram (borong).

Harga maksimum ayam dikaji semula

KPDNHEP pantau pasaran berikutan kemasukan bekalan import

Oleh Hassan Omar
dan Nas Norziela Nasbah
bhnews@bh.com.my

Masjid Tanah: Kementerian Perdagangan Dalam Negeri dan Hal Ehwal Pengguna (KPDNHEP) akan mengkaji semula harga maksimum ayam RM9.30 sekilogram selepas ayam bulat sejuk beku import memasuki pasaran.

Ketua Setiausahaanya, Datuk Seri Hasnol Zam Zam Ahmad ketika

ditemui media selepas meninjau Program Jualan Keluarga Malaysia (PJKM) di Kuala Sungai Baru, di sini semalam, berkata harga ayam ditentukan pasaran dan lazimnya akan turun apabila penawaran meningkat berikutan kemasukan ayam import.

Beliau berkata, KPDNHEP memantau keadaan pasaran selepas Kementerian Pertanian dan Industri Makanan (MAFI) membenarkan ayam bulat sejuk beku diimport sehingga 10,000 tan atau 5.5 juta ekor sebulan bagi tempoh bulan ini hingga Februari tahun depan.

"Harga maksimum bergantung pada harga ayam import dan kita lihat kesannya kepada penawaran, jika ada penurunan harga, itu berita baik untuk pengguna. Apabila ayam import sudah masuk,

penawaran akan menjadi berlebihan dan kita akan kaji semula harga maksimum ayam RM9.30," katanya.

Kelmarin, Timbalan Menteri KPDNHEP, Datuk Rosol Wahid dilaporkan berkata, harga maksimum ayam standard ditetapkan RM9.30 sekilogram bagi jualan runcit dan RM8 sekilogram untuk pemborong di Semenanjung, kecuali Langkawi, berkuat kuasa Selasa depan sehingga 31 Disember bagi meringankan beban rakyat.

Sementara itu, Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng ketika dihubungi *BH*, berkata kerajaan perlu adil dan relevan dalam usaha membantu penternak ayam mengeluarkan hasil, bukan terus mengambil keputusan mengimport stok beka-



Hasnol Zam Zam membantu mempromosi jualan barangan pada PJKM di pekan Kuala Sungai Baru, semalam.
(Foto Hassan Omar/BH)

lan ayam sejuk beku.

"Isu bekalan ayam terhad sebenarnya tidak berlaku seperti didakwa. Pemantauan puncanya tidak dijalankan secara peringkat akar umbi, mungkin benar ada di setengah tempat bekalan ayam tidak mencukupi, tetapi mungkin hanya di dua atau tiga tempat.

"Tengok sahajalah di mana-mana pasar borong atau pasar raya, bekalan ayam masih cukup untuk pengguna," katanya meminta kerajaan memantau secara menye-

luruh bekalan hasil ternakan itu, sekali gus tidak perlu terus bergantung kepada ayam sejuk beku import sehingga memberi kesan kepada penternak tempatan.

Jeffrey berkata, kekurangan tenaga kerja juga mendorong kepada isu bekalan ayam dilihat terhad dan tidak mencukupi sejak penularan COVID-19 yang turut memberi kesan kepada industri berkenaan berikutan terpaksa menanggung peningkatan pelbagai kos.



Sebab harga mahal: Penjelasan KPDNHEP

Seremban: Permintaan dan penawaran tidak seimbang dikenal pasti antara faktor penyumbang kepada kenaikan harga sayur-sayuran dan makanan di pasaran kebelakangan ini.

Ketua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Hasnol Zam Zam Ahmad, berkata penghasilan dan pengeluaran produk pertanian berkurangan kerana faktor cuaca dan kesan perubahan iklim.

Beliau berkata, berdasarkan perbincangan antara beliau dengan penanam sayur sama ada di tanah tinggi atau rendah, mereka menyatakan menghadapi masalah dengan perubahan cuaca ketika ini.

"Jika dulu mereka menjangkakan cuaca kering dan boleh menanam tana-

man tertentu, tetapi cuaca hujan menyebabkan tanaman rosak selain serangan penyakit.

"Ini membawa kepada kurangnya penghasilan di pasaran dan kebetulan bertembung pula dengan pembukaan aktiviti ekonomi.

"Ketika PKP (Perintah Kawalan Pergerakan) permintaan hanya dalam kalangan isi rumah, tapi sekarang di restoran, pasar malam, pasar tani, majlis sosial dan pergerakan rentas sempadan serta pembukaan sektor pelancongan yang mempengaruhi permintaan dan penawaran sayuran," katanya.

Beliau berkata demikian pada sidang media selepas meninjau Program Jualan Keluarga Malaysia (PJKM) Peringkat Negeri Sembilan yang diadakan di Pasar Tani Taman Paroi Jaya di sini, semalam.

Nak kaji RM9.30!

Harga maksimum diteliti semula selepas ayam import masuk

Oleh Hassan Omar
am@hmetro.com.my

Masjid Tanah

Kementerian Perdagangan Dalam Negeri dan Hal Ehwal Pengguna (KPDNHEP) akan mengkaji semula harga maksimum ayam RM9.30 sekilogram selepas ayam import memasuki pasaran.

Ketua Setiausahaanya, Datuk Seri Hasnol Zam Zam Ahmad (*gambar*) berkata, harga ayam ditentukan keadaan pasaran dan lazimnya apabila penawaran ayam meningkat berikutan kemasukan ayam import, harga akan turun.

Beliau berkata, KPDNHEP memantau keadaan pasaran selepas Kementerian Pertanian dan Industri Makanan (Mafi) membenarkan ayam sejuk beku diimport sehingga 10,000 tan metrik atau 5.5 juta ekor sebulan bagi tempoh bulan ini hingga Februari tahun hadapan.

"Harga maksimum itu bergantung pada harga ayam import dan kita lihat kesannya kepada penawaran, kalau ada penurunan harga, itu berita baik untuk pengguna.

"Apabila ayam import dibawa masuk,

penawaran akan menjadi berlebihan dan kita akan kaji semula harga maksimum ayam RM9.30," katanya ketika ditemui selepas meninjau Program Jualan Keluarga Malaysia (PJKM) di pekan Kuala Sungai Baru di sini, semalam.

Program dua hari bermula kelmarin itu disertai enam agensi kerajaan dan 13 syarikat yang menawarkan pelbagai bahan makanan termasuk ayam pada harga lebih rendah berbanding pasaran.

Hadir sama, Pengarah KPDNHEP Melaka, Norena Jaafar.

Kelmarin, Timbalan Menteri kementerian itu, Datuk Rosol Wahid dilaporkan berkata, harga maksimum ayam standard ditetapkan RM9.30 sekilogram bagi jualan runcit dan RM8 sekilogram untuk pemborong di Semenanjung, kecuali Langkawi berkuat kuasa Selasa depan.

Ia ditetapkan mengikut Skim Harga Maksimum Keluarga Malaysia (SHMKM) yang pertama kali diadakan berkuat kuasa selama 25 hari hingga 31 Disember depan bertujuan meredakan beban rakyat dalam menghadapi kenaikan harga barang keperluan.



ESSENTIAL ITEMS

'CLIMATE CHANGE A FACTOR IN RISING PRICES'

**Uncertain weather
destroys vegetables at a
time of growing demand,
says ministry sec-gen**

MOHD AMIN JALIL
SEREMBAN
news@nst.com.my

THE imbalance between supply and demand has been identified as one of the factors contributing to the recent rise in prices of vegetables and essential items.

Domestic Trade and Consumer Affairs Ministry secretary-general Datuk Seri Hasnol Zam Zam Ahmad said weather and climate change also affected production.

He said during discussions with vegetable farmers in both the highlands and lowlands, they acknowledged that they were experiencing climate change issues.

"In the past, they could predict the dry season and plant certain crops. But now, the uncertain rainy weather has destroyed vegetables and left crops vulnerable to disease.

"This has led to lower output, which coincided with the resumption of economic activities.

"During the Movement Control Order, demand largely came from households. But now, restaurants, pasar malam, farmers' markets, social events and cross-border movement, including the resumption of tourism, all affect the supply of and demand for vegetables."

Hasnol was speaking after touring the Negri Sembilan-level Program Jualan Keluarga Malaysia at Pasar Tani Taman Paroi Jaya here yesterday.

Also present was the ministry's state director, Ain Arjuna Aziz Zaman.

The recent rise in food prices has drawn the ire of consumers as well as members of parliament, who urged the authorities to take immediate action.

Hasnol said there was no denying that agricultural input, such as fertiliser components, which were imported at high prices, had also affected vegetable prices.

"We (the government) cannot control the price of agricultural input. So there is a need to increase the use of organic fertiliser in the long run.

"This can reduce our dependency on imported components in the production of vegetables and food in the country."

He said the ministry was confident the problem was temporary and that price hikes would end as soon as the monsoon season ended in March.

On Program Jualan Keluarga Malaysia, Hasnol said it offered consumers a wide variety of essential items, such as chicken, fish, eggs, vegetables, cooking oil, sugar, flour, rice and processed items, at up to 20 per cent lower than market rates.

"(The programme) will be held in selected locations in Seremban. Hopefully, this will encourage people to plan their purchases better to reduce household expenses."



Domestic Trade and Consumer Affairs Ministry secretary-general Datuk Seri Hasnol Zam Zam Ahmad (second from left) visiting a stall at a pasar tani in Seremban yesterday. BERNAMA/PC

Import of frozen chicken expected to help reduce prices

ALOR GAJAH: The government's move to allow the import of frozen whole chicken is expected to help reduce prices of the item in the market, said Domestic Trade and Consumer Affairs Ministry secretary-general Datuk Seri Hasnol Zam Zam Ahmad.

He said the move would result in excess supply in the local market. However, other factors would also influence domestic prices, including prices fixed by the producing countries.

"Prices would normally drop slightly when there is an increased supply in the market. However, we have first to see the effect of the import of frozen whole chicken on the domestic market.

"If the prices (of frozen whole chicken) from source countries are far lower than the prices offered in the country, the traders might also offer low prices. We have yet to obtain information on the matter from the Agriculture and Food Industries Ministry," he said after a visit to the Malaysian Family Sales Programme yesterday.

Hasnol Zam Zam was commenting on an announcement by the Agriculture and Food Industries Ministry on the government's move to import frozen whole chicken for a three-month period, until February next year.

He added his ministry would review the maximum price of standard chicken at retail (RM9.30 per kg) and wholesale (RM8 per kg) if chicken prices in the domestic market returned to normal.

In another development, he said the Malaysian Family Sales Programme would be extended after February if there is demand from the people.
- Bernama

Peningkatan hanya bersifat sementara akibat musim tengkujuh

Harga sayur mahal kekal hingga Mac

Oleh NOR AINNA HAMZAH

SEREMBAN - Harga sayur-sayuran yang meningkat ketika ini dijangka kekal sehingga Mac tahun hadapan selepas musim tengkujuh tamat sekali gus membolehkan bekalan kembali stabil.

Ketua Setiausaha Kementerian Perdagangan Dalam Negeri dan Hal Ehwal Pengguna, Datuk Seri Hasnol Zam Zam Ahmad berkata, peningkatan harga ketika ini hanya bersifat sementara dan akan kembali normal.

"Saya lihat situasi ini bersifat sementara iaitu pada musim tengkujuh yang berada dalam bulan November hingga Mac. Selepas itu situasi akan pulih daripada segi harga di mana cuaca akan lebih stabil.

"Ketika itu lebih banyak petani buat penanaman dan harga akan kembali normal, itu data yang kami ada di kementerian dan kami buat pemantauan sepanjang masa," katanya.

Bellau ditemui selepas melakukan tinjauan di Program Jualan Keluarga Malaysia Peringkat



HASNOL ZAM ZAM (dua dari kiri) bertanya sesuatu kepada peniaga sayur di Paroi Jaya, Seremban semalam.

Negeri Sembilan di Tapak Pasar Tani Paroi Jaya dekat sini semalam.

Sementara itu, Hasnol Zam Zam memberitahu, kekurangan minyak pekud tidak seharusnya berlaku kerana kerajaan telah memperuntukkan sebanyak 60,000 tan metrik setiap bulan

barangan tersebut untuk diedarkan di seluruh negara.

Ujarnya, kementerian telah melantik pengedar dan juga pengilang mengikut kuota yang ditetapkan untuk setiap penduduk.

Katanya, berdasarkan data-data yang ada, isu agihan kuota

minyak masak tidak ada masalah.

"Bekalan terjejas apabila berlaku gangguan di peringkat operasi termasuk penutupan sementara kilang ekor berlaku jangkitan Covid-19. Ada pemandu dan pengedar yang dijangkiti dan ini telah menjejaskan operasi kilang.

Saya lihat situasi ini bersifat sementara kerana musim tengkujuh berada dalam bulan November hingga Mac. Selepas itu mengikut rekod kami saban tahun, situasi akan pulih daripada segi harga di mana cuaca akan lebih stabil."

"Ada juga pusat-pusat pengedaran, gudang-gudang tempat pengumpulan yang ada masanya ditutup, ini semua diterjemah kepada situasi tiada bekalan, tetapi ini adalah sementara," katanya.

Menurutnya Hasnol Zam Zam, pengguna boleh tampil membuat aduan sekiranya berdepan dengan isu bekalan minyak masak pekud habis di pasaran bagi membolehkan pihaknya melakukan pemantauan sekali gus mengatasi masalah itu.

Bekalan minyak masak peket mencukupi - KPDNHEP

SEREMBAN - Kementerian Perdagangan Dalam Negeri dan Hal Ehwal Pengguna (KPDNHEP) memberi jaminan bekalan minyak masak peket 1 kilogram (kg) mencukupi bagi menampung permintaan pengguna di Malaysia.

Ketua Setiausaha, Datuk Seri Hasnol Zam Zam Ahmad berkata, isu kekurangan minyak masak sepatutnya tidak timbul berikutan kerajaan memperuntukkan 60,000 metrik tan setiap bulan untuk diedarkan di seluruh negara.

"Kita telah melantik pengedar dan pengilang di seluruh negara mengikut kuota yang ditetapkan bagi setiap penduduk.

"Berdasarkan data yang kita ada, isu agihan kuota minyak masak tiada masalah cuma ada masa berlaku sedikit gangguan

lebih-lebih lagi dalam tempoh pandemik Covid-19.

"Kadangkala kilang terpaksa menutup operasi disebabkan pekerja positif Covid-19, pemandu lori, pengedar, gudang-gudang ada masa ditutup tetapi semua itu bersifat sementara," katanya kepada pemberita selepas melakukan tinjauan Program Jualan Keluarga Malaysia (PJKM) di Tapak Pasar Tani Paroi Jaya, Seremban pada Ahad.

Sementara itu, PJKM di Negeri Sembilan akan diteruskan di beberapa lokasi antaranya tapak letak kereta Lotus, Seremban Jaya, tapak letak kereta Forest High, Senawang Taman Mawar.

PJKM juga menawarkan pilihan kepada pengguna untuk mendapatkan pelbagai barangan keperluan harian sehingga 20 peratus lebih rendah melibatkan

jualan barang antaranya ayam, telur, sayur, gula dan minyak masak serta ia akan diteruskan sehingga Februari nanti.

Hasnol Zam Zam turut menjelaskan tiada isu berhubung kekurangan minyak masak peket yang dikatakan disorok oleh pihak-pihak tertentu kerana kementerian mempunyai maklumat dan data bagi setiap rantai-pengedaran.

"Tiada kaitan dengan sorok sebab kita tahu siapa yang mengilang, mengedar, memborong dan setiap hari kita dapatkan data dan maklumat daripada mereka ini untuk mengetahui barangan bekalan mencukupi.

"Kalau di peringkat kilang, data yang mereka beri itu kurang dari kebiasaan. Jadi kita akan tanya kenapa dan apa masalah, kita akan selesaikan," katanya.



Hasnol Zam Zam (kanan) ketika meninjau sekitar PJKM di Tapak Pasar Tani Paroi Jaya, Seremban pada Ahad.

Pekerja kilang minyak paket kena Covid-19

Seremban: Tiada aktiviti menyorok minyak masak paket dikesan berlaku susulan kekurangan bekalan bahan itu di pasaran.

Ketua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Hasnol Zam Zam Ahmad berkata, sebaliknya ia disebabkan gangguan di peringkat kilang ekoran terdapat kes positif Covid-19.

"Kekurangan bekalan minyak masak paket yang dilaporkan berlaku sebelum ini tiada kaitan dengan

aktiviti menyorok, sebaliknya disebabkan beberapa faktor terutama di pihak kilang.

"Ketika ini tidak sepatutnya timbul masalah kekurangan bekalan minyak masak paket kerana kerajaan sudah memperuntukkan 60,000 tan metrik setiap bulan untuk diedarkan di seluruh negara," katanya.

Beliau berkata demikian selepas melakukan tinjauan sempena Program Jualan Keluarga Malaysia (PJKM) Peringkat Negeri Sembilan di Tapak Pasar

Tani Paroi Jaya, di sini, semalam.

Beliau berkata, pihaknya melantik pengedar dan pengilang mengikut kuota ditetapkan untuk setiap penduduk.

Menurutnya, berdasarkan data pihaknya, tiada masalah membabitkan isu agihan kuota minyak masak.

"Cuma ada masanya, berlaku sedikit gangguan lebih-lebih lagi dalam tempoh Covid-19 apabila ada kilang terpaksa menutup operasi disebabkan ada pekerja mereka dijangkiti wa-

bak pandemik ini.

"Selain itu, terdapat pusat pengedaran dan gudang tempat pengumpulan ditutup menyebabkan tiada bekalan," katanya.

Beliau berkata, pengguna yang berhadapan dengan isu bekalan minyak masak paket di pasaran, perlu tampil membuat aduan dan memberi maklum balas kepada KPDNHEP.

Menurutnya, ia bagi membolehkan pihaknya pergi ke lokasi berkenaan dan melihat bentuk bantuan boleh diberikan supaya situasi itu dapat diatasi.

Lesen jualan bukan punca minyak masak paket kurang di pasaran

PUCHONG - Kementerian Perdagangan Dalam Negeri dan Hal Ehwal Pengguna (KPDNHEP) menafikan masalah kekurangan bekalan minyak masak paket di Selangor disebabkan sekatan pengeluaran lesen penjualan barang keperluan tersebut.

Pengarah KPDNHEP Selangor, Muhamad Zikri Azan Abdullah berkata, kelulusan permohonan lesen itu diterima dari masa ke masa.

Sebaliknya beliau berkata, isu bekalan itu disebabkan oleh faktor lain terutamanya masalah pengangkutan mengakibatkan urusan penghantaran menjadi lewat dan mengambil masa antara satu hingga dua hari untuk sampai kepada peruncit.

"Namun, KPDNHEP telah mengarahkan 70 pengilang minyak masak bersubsidi di Selangor supaya dapat menyejajarkan (penghantaran) bagi memastikan bekalan mencukupi di premis peruncit.

"Aduan masalah kekurangan bekalan ini diterima dipelbagai tempat antaranya premis peruncit di luar bandar namun di pasar raya besar tiada masalah itu dan bekalan sentiasa ada," katanya mengulas isu kekurangan bekalan minyak masak paket di pasaran.



Muhamad Zikri (tiga dari kanan) meninjau kiosk yang terdapat di Program Jualan Keluarga Malaysia, Taman Puchong Perdana pada Ahad.

Beliau ditemui pada Program Jualan Keluarga Malaysia peringkat Selangor di Taman Puchong Perdana di sini pada Ahad.

Ditanya kemungkinan permasalahan itu dikaitkan isu penyeludupan, beliau menjelaskan, pihak penguatkuasaan sentiasa memantau sekiranya terdapat maklumat isu 'menyorok' atau menyeludup bekalan di kawasan lain.

"Sepatutnya perkara ini tidak berlaku, jika pengguna atau peniaga mendapati ada unsur-unsur tersebut segeralah membuat aduan kepada KPDNHEP supaya tindakan segera boleh diambil," katanya.

Pada masa sama, beliau me-

negaskan yang bekalan minyak bersubsidi dihadkan kepada tiga paket bagi setiap transaksi seperti yang ditetapkan oleh kerajaan melalui pengawal bekalan.

"Kita telah mengeluarkan arahan kepada premis peruncit supaya menjual minyak paket bersubsidi satu kilogram tiga paket sahaja untuk satu transaksi.

"Kita tegaskan kepada peniaga supaya mengawal penjualan tersebut dan dijual dalam kuantiti ditetapkan. Justeru, tidak timbul isu ada yang memborong dalam kuantiti banyak," katanya menjelaskan dakwaan pembelian borong dalam kalangan peniaga makanan.



'Tiada isu sorok minyak masak peket'



UMMI NADIA



BAIZURA

Bekalan barang keperluan itu terhad, sukar tampung permintaan tinggi pengguna

Oleh NORAFIZA JAAFAR

PUCHONG

Bekalan minyak masak peket terhad antara punca barang keperluan itu sukar diperoleh di sini.

Seorang pekerja di sebuah pasar raya di Bukit Puchong di sini memaklumkan, sebanyak 10 kotak minyak masak peket itu diterima setiap hari namun jumlah tersebut tidak mencukupi untuk menampung permintaan pengguna menyebabkan rak menempatkan minyak peket itu cepat kosong.

"Bekalan terhad menyebabkan minyak masak peket cepat habis. Kalau mahu tambah stok, barang tidak akan terus sampai dan perlu menunggu giliran.

"Tiada isu sorok bekalan,



Rak menempatkan minyak masak peket kosong di sebuah pasar raya di Puchong.

kalau ada stok terus kita susun di rak, cuma hari ini habis awal. Setiap pembeli dihadkan kepada tiga peket bagi setiap transaksi," katanya ketika tinjauan *Sinar Harian* pada Ahad.

Dalam pada itu, kesukaran mendapatkan bekalan minyak masak peket turut diakui dalam kalangan pengguna yang menganggapnya sebagai bernasib baik jika dapat membeli barang keperluan itu.

Pekerja swasta, Ummi Nadia Darawi, 31, berkata, kesukaran

mendapatkan minyak masak peket berlaku di kebanyakan pasar raya sekitar Puchong.

"Saya pergi di pasar raya lain pun sama juga, tiada stok minyak masak peket. Kalau di kedai runcit pula kena tanya dengan jurujual terlebih dahulu, pasar mini pun susah nak dapat bekalan.

"Mungkin masalah ini disebabkan stok minyak peket terhad jadi cepat habis. Saya tiada pilihan terpaksa beli minyak masak dalam botol sebagai alternatif," katanya.

Baizura Ahmad Bakhtiar, 40, yang bekerja sendiri pula berkata, dia terpaksa berjimat menggunakan minyak masak peket susulan kesukaran mendapatkan stok.

"Minggu lepas saya datang (pasar raya) ada stok tapi hari ini datang tak ada pula. Sebab susah dapat stok jadi kena jimat cermat.

"Biasanya saya guna tiga peket minyak masak untuk tempoh dua minggu. Jika tidak cukup saya beli di kedai runcit," katanya.

Pekerja swasta, S Selvi, 45, pula meluahkan kebimbangan ekoran kesukaran mendapatkan minyak peket menyebabkan minyak masak botol naik harga.

"Saya biasa guna minyak masak peket tapi apabila tiada stok terpaksa beli minyak masak botol walaupun mahal.

"Saya bimbang jika masalah stok ini berlarutan akan menyebabkan isu kenaikan harga pula.

"Saya harap perkara ini tidak berlaku memandangkan pengguna terbeban dengan kenaikan harga sedangkan gaji kekal tidak naik-naik," katanya.

Kompaun RM17,000

Jitra: Kementerian Perdagangan Dalam Negeri dan Hal Ehwal Pengguna (KPD-NHEP) mengeluarkan kompaun RM17,000 daripada 58 kes ke atas peniaga dalam Op Menu yang dijalankan di seluruh negara.

Op Menu yang bermula sejak 6 November lalu sehingga 31 Disember ini mensasarkan peletakan tanda harga yang jelas dan penggunaan alat timbang yang masih dalam tempoh penentusahan.

Timbalan Pengarah Penguatkuasa (Operasi) KPD-NHEP Putrajaya, Shamsul

Nizam Khalil berkata, antara kesalahan yang dilakukan ialah tidak meletakkan tanda harga, menggunakan alat timbang yang tidak ditentusahkan atau tamat tempoh serta harga yang mengelirukan.

Beliau berkata, daripada 58 kes itu, Sabah antara negeri yang merekodkan kes tertinggi diikuti Terengganu, Perak, Johor, Selangor, Melaka dan Sarawak.

"Setakat ini pihak KPD-NHEP melakukan pemeriksaan sebanyak 4,619 premis di seluruh negara dalam Op Menu ini," katanya.



Kata Editor

Oleh **MOHAMAD AZLAN JAAFAR**
PENGARANG KUMPULAN
MEDIA MULIA

Pengguna bangkit tangani harga naik

ISU harga barang naik timbul semula. Ia bukan perkara baharu. Setiap tahun atau musim isu kenaikan harga barang kembali mendapat perhatian. Cuma kali ini, peningkatan adalah besar dan melangkaui semua sektor keperluan.

Harga minyak naik. Harga kelapa sawit naik. Harga getah naik. Begitu juga daripada kobis sehingga ke cili dan ayam. Hingga ais pun dikatakan naik. Simen, besi, alat ganti kenderaan juga turut naik. Yang turun di Malaysia hanya hujan.

Tetapi fenomena kenaikan harga barang keperluan dan bukan keperluan didorong banyak faktor. Kenaikan harga minyak dunia mempengaruhi semua komponen berkaitan kimia.

Kenaikan harga minyak sawit menaikkan harga semua barang yang menggunakan asas komoditi itu. Kira-kira 60 peratus barangan daripada ubat gigi, sabun dan kosmetik kepada coklat menggunakan minyak sawit. Itu tidak termasuk minyak masak yang diperlukan peniaga restoran.

Salah satu punca utama terlalu banyak tangan dalam pengedaran. Setiap tangan akan mengambil keuntungan yang pada akhirnya sampai kepada pembeli pada harga lebih tinggi.

Tidak ketinggalan kos barang input dalam pengeluaran. Daripada baja sehingga racun semuanya memberi kesan kepada kos pengeluaran. Contohnya harga gandum telah meningkat daripada AS\$560 (RM2,396) pada Disember 2020 kepada AS\$803 (RM3,397) setiap tan ketika ini. Kos itu mendorong peningkatan keseluruhan kepada barang berasaskan tepung.

Kenaikan harga barang mendadak ketika ini juga disebabkan faktor permintaan. Sejak awal tahun ketika lockdown dan permintaan mencatatkan penurunan. Justeru terdapat lebih pengeluaran.

Selepas semua sektor ekonomi dibuka, permintaan barang keperluan seperti mendapat suntikan steroid. Dengan peningkatan mendadak, harga juga meningkat. Ini 'Ekonomi 100'. Tidak kurang juga peniaga yang mengambil kesempatan daripada peningkatan permintaan. Setahun tidak berniaga, maka kerakusan membuat duit kembali.

Trend kenaikan harga di negara ini juga berlaku apabila dekat musim perayaan. Harga ayam melebihi RM10 dan kenaikan itu dipersalahkan kepada kos dedak. Cuma masalah sama tidak dihadapi oleh penternak di Thailand dan Vietnam. Mungkin dedak di sana lebih murah. Alasan punca kenaikan seperti boleh dijangka.

Persoalannya, apa yang boleh dilakukan oleh pembeli dan pengguna selain merungut dan membuat aduan kepada kerajaan?

Pada kebanyakan masa pengguna di negara ini tidak menggunakan kuasa yang ada. Kita membenarkan diri kita diperolek oleh segelintir peniaga yang kebanyakan masa sememangnya mengaut keuntungan. Tiada orang yang berniaga di dunia yang bukan bertujuan mencatatkan keuntungan. Lebih baik duduk di rumah tanpa dibebani semua kesulitan.

Pengguna sepatutnya menunjukkan kuasa dengan tidak membeli barang yang dijual pada harga keterlaluan atau tidak munasabah. Memang ada mengatakan ia sukar dilakukan. Tetapi sesuatu yang sangat bermakna selalunya tidak mudah dicapai. Sesuatu yang besar memerlukan pengorbanan yang besar.

Apabila permintaan menurun, harga juga akan menurun. Itu tidak dapat dielakkan dan peniaga, pemborong dan orang tengah mengetahui realiti ini. Mungkin tiba masanya kita bangkit dan berkata "Ini mahal sangat. Saya tidak mahu beli."




PRICES OF ESSENTIAL ITEMS IN MALAYSIA (UP TO DEC 1)

ESSENTIAL ITEMS	PENINSULA (RM)		SARAWAK (RM)		SABAH (RM)	
	Lowest	Highest	Lowest	Highest	Lowest	Highest
1. STANDARD CHICKEN (PER KG)	6.99	10.50	7.99	9.50	10.30	11.30
2. LOCAL BEEF (PER KG)	28.00	56.90	58.00	60.00	25.00	30.00
3. IMPORTED BUFFALO MEAT (PER KG)	15.90	26.00	16.99	22.90	17.00	21.99
4. MACKEREL (IKAN KEMBUNG) (PER KG)	8.69	26.00	8.90	20.00	8.00	15.00
5. GRADE B EGGS (30 PCS)	10.40	14.40	11.59	14.00	13.79	14.50
6. KULAI RED CHILLI (PER KG)	9.88	30.00	N/A	N/A	10.00	22.50
7. SAWI (PER KG)	4.00	12.00	5.00	15.00	3.50	7.50
8. TOMATO (PER KG)	1.49	9.00	5.00	15.79	4.49	8.90
9. IMPORTED ONIONS (INDIA) (PER KG)	1.99	8.50	3.39	8.00	3.90	10.00
10. IMPORTED SHALLOTS (INDIA) (PER KG)	2.29	10.99	8.00	18.50	6.15	16.55



Google Play



App Store

The list of prices serves as a reference. Please check list of prices for more items in your location on the PriceCatcher app. For inquiries, email pricecatchermy@kpdnhep.gov.my

You can also contact the Domestic Trade and Consumer Affairs Ministry's (KPDNHEP) call centre at 1-800-886-800 and email e-aduan@kpdnhep.gov.my for consumer complaints.

Senarai Harga Barang Keperluan	
• Ayam	RM7.98
• Daging Lembu Tempatan	RM35.02
• Daging Lembu Import	RM15.49
• Telur Gred A	RM12.30
• Ikan Kembung	RM7.99
• Minyak Masak	RM6.70
• Gula Pasir	RM2.85
• Bawang Besar Holland	RM2.50
• Bawang Putih	RM5.49
• Cili Merah	RM12.90
• Kubis Bulat Tempatan	RM4.99
• Tepung Gandum	RM2.20

*Harga (RM/kg) Sumber: KPDN-HEP